

SIKU YA MUBAHALA

<"xml encoding="UTF-8?">



SIKU YA MUBAHALA

MAANA YA MUBAHALA

Mubahala Ni: Kuapizana

Ujumbe wa Kikristo kutoka Najran ulifika kwa Mtume kujadili suala la Nabii Isa (a.s). Mtume
:aliwajulisha kuwa

إِنَّ مَثَلَ عِيسَىٰ عِنْدَ اللَّهِ كَمَثَلِ آدَمَ خَلَقَهُ مِنْ تُرَابٍ ثُمَّ قَالَ لَهُ كُنْ فَيَكُونُ ﴿٥٩﴾

Hakika mfano wa Isa (a.s) mbele ya Mwenyezi Mungu ni kama mfano wa Adam, aliumbwa"
.kwa udongo kisha akamwambia: Kuwa naye akawa." 3:59

Kwakuwa Nabii Isa alizaliwa bila baba, Wakristo wamedhani kuwa baba yake ni Mwenyezi
.Mungu

Aya hii inaondoa dhana hiyo ambayo inapingana na utukufu wa Mwenyezi Mungu, na
inawapigia mfano wa ajabu zaidi katika kuumbwa Adam bila ya baba wala mama. Aliumbwa
kwa udongo kisha akaambiwa: kuwa naye akawa, na kwa neno hilo Nabii Isa (a.s) ndivyo
.alivyoubwa

:Ujumbe huo ulipokuwa haukukubaliana na hoja hii, Mwenyezi Mungu akateremsha Aya

Na atakayehojiana nawe (Muhammad) katika hili baada ya ujuzi uliokufikia, waambie: Njooni"
tuwaite watoto wetu na watoto wenu, na wanawake wetu na wanawake wenu, na nafsi zetu na
nafis zenu, kisha tuombe kwa kunyenyekea tuijaalie laana ya Mwenyezi Mungu iwashukie
wenye kusema uongo." 3:61

Hili ilikuwa tarehe ishirini na nne mfungo tatu mwaka wa kumi, Mtume akawaita ili waanze kuapizana. Wakajibu: "Ngojea tujadiliane." Walipokwenda faragha, wakamuuliza Askofu Abdul :Masih; ana Maoni gani katika suala hili? Akajibu

Enyi Wakristo: Wallahi nyinyi mnajua kuwa Muhammad ni Nabii aliyeletwa na amekuja na ushahidi ulio wazi juu ya jambo la huyu (Isa a.s). Wallahi hakuna watu walioapizana na Nabii ".wakasalimika, ikiwa mtaapizana naye mtaangamia

Askofu yeye aliwaambia: "Enyi Wakristo: Mimi nazona nyuso hizi (kundi la Mtume) kama zitamuomba Mwenyezi Mungu auondoe mlima kutoka mahala pake, Wallahi atauondoa. Msiapizane naye mtaangamia, na hatabaki Mkristo ye yote hapa duniani mpaka siku ya ".Kiama

Alipoulizwa Ahtam, akawaambia: Niacheni nikamuulize Muhammad, alipomkabili Mtume akamuuliza, "Ewe Abulqasim! Unatoka na kina nani kwa ajili ya maapizano haya?" Mtume (s.a.w.w) akamjibu: "Ninaapizana nanyi nikiwa na watu bora hapa duniani na watukufu mno ".mbele ya Mwenyezi Mungu, nao ni hawa (akawaonyesha) Ali, Fatima, Hasan na Husein

Wakaogopa kuapizana na Mtume, na badala yake wakaomba sulhu kwa Mtume (s.a.w.w) kwa .kutoa dirham arobaini elfu

Katika Ayatul Mubahala, iliposema: "Tuwaite watoto wetu" Mtume (s.a.w.w) alimwita: Hasan na Husein. Iliposema: "Na wanawake wetu" Mtume (s.a.w.w) alimwita: "Fatima bint . "Muhammad." Iliposema: "Na nafsi zetu" mtume akamwita: "Ali

.(Kwa hivyo Ali bin Abi Talib ni nafsi ya Mtume Muhamad (s.a.w.w

Mwisho wa Makala